

Qaleralinnik, nipisanik saarullinnillu 2003-imi tunisineq qaffariarpoq. Akerlianilli qalerualinnik aalisakkanillu allanik tunisineq appariarluni

Tamanna takuneqarsinnaavoq "Aalisarneq piniarnerlu 2003 (kisitsisaagallartut)"-ni, maannakkorpiaq Kalallit Nunaanni Naatsorsueqqissaartarfiup tamannut nittartakkamini saqqumersitaani

Qaleralinnik, nipisanik saarullinnik aammalu puisit amiinik tunisineq qaffariarpoq

2003-imi qaleralinnik tunisineq 3,4 pct.-inik qaffariarpoq, nipisanik 12,5 pct.-inik saarullinnillu 1,0 pct.-inik qaffariarluni 2002-mut naleqqiullugu.

Puisillu amiinittaaq tunisineq qaffalluni 2002-mi 61.089-iniit 2003-mi 75.309-nut. Annertunerusumik natsiit ataallu amii tunineqarsimapput.


...kisiannili qalerualinnik aalisakkanillu allanik tunisineq appariarsimalluni

Qaleralinnik, nipisanik saarullinnillu tunisinerup qaffariarnerata, kinguppannik assagiarsunnik aammalu aalisakkanik allanik tunisinerup appariarnera illuatungilersinnaangilaa. Aalisakkanik qalerualinnillu tunisineq 2002-mut sanilliullugu 7 pct.-ingajannik appariarpoq. 2003-mi aalisakkat 80.063 tons-it tunineqarsimapput 2002-mi 85.895 tons-iusut, qalerualinnilli tunisineq 2002-mi 54.253 tons-iniit 2003-mi 46.407 tons-inut appariarluni, pct.-inngorlugu 14,5 pct.-iulluni.

Assagiarsunnik tunisineq appariarpoq

Assagiarsunnittaaq piniarneq 2003-mi kinguariaarpoq. Assagiarsunnik tunisineq 2003-mi 4.122 tons-inut appariarpoq, 2002-mi 4.939 tons-it tunineqarsimasut. 2000-imiilli assagiarsunnik tunisineq appariartuinnarsimavoq, 2003-milu 2000-imi tunisaasimasut annertussusiannut sanilliullugu affaannangorsimallutik, takuuk titartagaq.

Assagiarsunnik, kinguppannik, qaleralinnik, nipisanik saarullinnillu tunisat 1999-imiit-2003-mut annertussusaat



pdl-filitut Saqqummersitaq pdf-fiilinnngorlugu Naatsorsueqqissaartarfiup nittartagaani www.statgreen.gl-mi aaneqarsinnaavoq. Aammattaaq periarfissaqarpoq Kalaallit Nunaanni Naatsorsueqqissaartarfiup nittartagaani www.statgreen.gl-imi Kisitsisaateqarfikkut kisitsinik aallersinnaaneq.

*E-mailikkut
pisartagaqalerit* Naatsorsoqqissaakkanik nutaanik siunissami Naatsorsueqqissaartarfiup tamanut saqqummersitaanik tusartinneqartarumaguit uunga iserit: www.statgreen.gl. qinigasani saamerlermi toqqaruk "nutaarsiassat" tassanilu ilanngugit. Taava naatsorsoqqissaakkanik nutaanik tamanut saqqummiunneqartunik saqqummertoqaraangat e-mailikkut nalunaarfigineqartalissaatit.

Paasisaqarnerorusukkuit immikkut siunnersorti Keun Hwang e-mail: kehr@gh.gl imaluunniit tusagassiisartoq Thorkild Knudsen tlf. 34 55 85 (toqqaannartoq) imaluunniit e-mail thkn@gh.gl saaffigissinnaavatit.

Ikinngutinnersumik
inuulluaqqusillunga

Thorkild Knudsen
tusagassiisartoq